

紹興縣志資料第一輯

第一冊

第一輯第一本

乾隆府志摘補山陰之部
乾隆府志摘補會稽之部

紹興縣志資新

李生翁題



中華民國二十六年二月

紹興縣修志委員會印

紹興縣志資料第一輯

山陰之部 目錄

土地志

山橋梁水

古蹟廢署

義舉

人民志

選舉

鄉賢

藝術

列女

政事志

水利

碑刻

壇廟

案是輯繼續嘉慶山陰徐志康熙會稽王志道光會稽志稿三書出版專摭乾隆李守府志中之隸屬山會兩邑故實前三志所漏略者各依原次目分別部居庸以裨補徵引故書之資其屬於舊府性質不能偏隸者別爲一帙附以李氏越縵堂校勘之專屬山會者爲前志之攷訂他如田賦一門統關全郡茲不贅列



紹興縣志資料

第一輯 山陰之部 目錄

紹興縣志資料第一輯 山陰之部

土地志

山 見府志卷三

臥龍山 〔嘉泰會稽志〕山西北幽徑蔽虧傍皆叢篁灌木其地闕闕不整相傳大夫種墓曩因潮水穴山後失其尸也〔舊志〕產佳茗芽纖短色紫味芬稱瑞龍茶山有清白泉淪茶爲宜

塔山 〔寶林事實〕越城山能與秦望爲主客者臥龍寶林鼓山也其城南左右數十里疾馳屹立皆屬於秦望又率其左右之山因鑑湖入謁於郡城臥龍爲郡治鼓山少東不能正受秦望之謁越之形勢臥龍下未有如寶林者〔會稽志〕寶林寺今名報恩光孝禪寺紹興初以濮安懿王園廟寓焉〔新增事實〕山下有明朱文懿廢逍遙樓舊址

琵琶山 〔萬歷志〕一曰毘山俗名杷山

侯山 〔孔靈符會稽記〕孔愉爲王導所銜出爲會稽內史在郡三年乃營山陰湖南侯山下數畝地爲宅草屋數間便棄官居之〔嘉泰志〕舊經云山有孔太守廟

彈丸山 〔採訪事實〕山有石如彈丸高六七尺俗呼彈子山

紹興縣志資料 第一輯 山陰之部 土地志 山

麻林山 〔萬歷志〕句踐欲伐吳種麻以爲弓絃使齊人守之越謂齊人多故又曰麻林多山以山下田封功臣

甌山 〔嘉泰志〕兩山相類正如兩酒榼

梅里尖 〔嘉泰志〕其陰爲梅仙塢自塢度一小嶺有異境煙水直至郡城

蘭渚山 〔萬歷志〕有草焉長葉白花有國馨其名曰蘭句踐所樹蘭渚之水出焉〔通典〕

蘭亭山陰漢舊縣亭王羲之曲水序於此

玉架山 〔嘉泰志〕三峯如筆格秀麗可畫故今名筆架山

青蓮山 〔山陰縣舊志〕許安世常往遊焉有山路入青雲之句

大尖山 案舊浙江通志有土尖山與此山道里相同疑卽此山也

懽潭嶺 〔萬歷志〕在城西南一百三十里以潭名 補

銅山 〔山陰縣舊志〕去縣西二十五里 補

不負嶺 〔萬歷志〕舊傳蕭翼得蘭亭帖至此喜曰不負此行矣因名

鳳凰山 〔兪志〕至小而具山形嘗有鳳凰集焉〔嘉泰志〕在梅市鄉

羊石山 〔吳越備史〕光啓二年錢鏐使遊奕崔則守羊石案羊石山石佛寺創自隋開皇間

見西河大悲殿碑記朱竹垞有羊山遊記

寶林山 [萬歷志]亦名金井山

牛口石 [萬歷志]在寶林山西址石二片出土中如牛吻

西余山 [於越新編]一作西展謂禹負展朝諸侯處

碧山仙洞 [萬歷志]洞口如井下視莫測北通巨海嘗有人持火深入聞櫓聲隱隱而鳴

牛頭山 [萬歷志]山產石可作假山其小碎者取爲盆山尤宜草木皆蔥蒨耐久與崑山所出相埒東坡所謂盆山不見日草木自蒼然是也

下馬山 [一統志]相傳秦始皇東巡息駕於此故名山有石如蟾山崖夾水石骨橫亘水底口石檻

禹山 [萬歷志]舊傳大禹駐蹕於此

蓬萊山 按山邑祠祀志云萬策庵在縣北四十里齊賢里蓬萊山北則其志祠宇又稱蓬萊矣何時俗以中峯形似紫駝而競稱爲駝峯不已浸失古意乎乃越志更轉訛駝峯作大峯則其失愈遠矣

塗山 舊經云山麓有斬將臺有石船長丈云禹所乘梁初又掘得青玉印[郡國志]宋元嘉紹興縣志資料 第一輯 山陰之部 土地志 山水 二

中有人於船側掘得鐵履一隻[越絕書]塗山者禹所娶妻之山也去縣五十里

水 見府志卷六 川

王公池 [嘉泰志]在西園皇祐五年知越州王達始置齊祖之記云王公池非新也由王公名之也

龍噴池 [嘉泰志]在縣西一里酒務前[萬歷志]在臥龍山前補

碧霞池 [採訪事實]在承恩坊王守仁宅內

清白泉 [嘉泰志]在府西清白堂側范文正公記云西巖下獲廢井泉甘色白淵然丈餘引不可竭[兪志]在府治內

錢清江 [嘉泰志]蕭山王兵部絲嘗發地得小青石版甚薄上刻詩三首八分小字甚工妙詩云搖漾越江春相將采白蘋歸時不覺夜出浦月隨人又曰家寄征河岸征人久遠遊不如潮有信每日到沙頭又曰乘曉南湖去參差波浪痕前洲在何處孤恨與誰論不知何人詩也

江北河 [萬歷志]每爲潮水灌入沙塗壅積遇澇輒溢遇旱卽涸

狹獐湖 [採訪事實]湖面寬闊風多覆舟明末張思溪建石塘離岸丈許船行其中可避風

濤之險

月潭 [萬歷志]廣袤數畝觀月爲宜然不知其得名之始

瑟瑟池 [嘉泰志]以池水湛碧故名錢公輔小隱山記云山堂因山之名凡一景一趣無不爲之稱有瑟瑟池

蘭亭古池 [嘉泰志]唐大歷中鮑防嚴維呂渭而次三十七人聯句於此云曲水追歡處遺芳尙宛然名從右軍出山在古人前賞是文辭會歡同癸丑年

廢署 見府志卷七

明市舶公館 [俞志]今廢以其地建張文恭元忭祠

紹興衛 [俞志]由府譙樓直南而下過蓮花橋轉而之東過酒務橋又東百餘步有門二重有廳五間有廊有庫左爲前右二千戶所鎖撫所右爲後中左三千戶所知事廨吏舍明萬歷十二年知府蕭良幹重修增後堂三間修撰張元忭有記今廢 補

義舉 見府志卷七

養濟院 [山陰縣志]在縣西北三里錦鱗橋西卽宋浙東貢院故址東西廣四十八丈六尺南北深四十八丈六尺共二十七畝三分三釐屋一百四十間門三座今門屋不全

紹興縣志資料

第一輯 山陰之部 土地志 廢署

三

育嬰堂 [會稽縣志]邑民劉世洙等捐資建柴世盛捨田三百畝凡有淹溺棄嬰僱乳媼分養之寒則給衣病則療藥

八仙橋茶亭

大木橋茶亭

武勳橋茶亭

望江樓茶亭

清道橋茶亭

捨子廟茶亭 以上俱補

橋梁 見府志卷八

甲子橋 [嘉泰志]在府城東南舊開元宮甲子眞君堂遺址

南堰橋 [嘉泰志]在城南

南店橋 [嘉泰志]在城東南

觀橋 [嘉泰志]在城東開元宮側

蕙蘭橋 [嘉泰志]在城東

獅子橋 [嘉泰志]在城東北

西雙橋 [嘉泰志]在城東北

官海橋 [嘉泰志]在城東北

平橋 [嘉泰志]在山陰縣側

教場橋 [嘉泰志]在城東南

車水橋 [嘉泰志]在城南 以上俱補

古蹟 見府志卷七十一

劉孝子故里 [新增事實]乾隆三十一年知府王鳴立碑以記曰明孝子劉遂庵先生故里王右軍別業 舊經云羲之別業有養鵝池洗硯池題扇橋存焉

鎮東閣〔章大來鎮東閣記〕鎮東閣之名原於五代時錢鏐鎮東之軍門又始於舊子城之鎮東門蓋府署據臥龍山之東麓是爲鎮東軍節度卽於城之東以爲東門榜曰鎮東軍書之者吳郎中說立之者王參政絢也至子城鎮東之門則始於隋開皇時楊素先是宋明帝時蔡興宗爲鎮東將軍又先是晉穆帝時王彪之爲會稽內史鎮東將軍蓋鎮東之名由來久矣攷郡自夏至今爲會稽爲越爲會稽郡爲荊國吳國爲會稽國爲越州爲吳總管府爲浙東道爲浙東總管府爲節度觀察使署爲義勝軍威勝軍爲鎮東軍爲吳越國後爲紹興府元爲路明復爲府其中凡幾經分合改復而閣之垂名歷千餘年不可易謂非魯殿靈光也哉

以上見府志卷七十一

覽勝亭〔黃猷吉柯山記〕亭前則萬峯羅拱其下則重淵澄浸此於吾越當稱絕勝而方冊不載也

蕺隱齋〔戴表元蕺隱記〕儒者王廷吉家於蕺山之陽而名讀書之齋曰蕺隱補 以上見

府志卷七十二

人民志

選舉

薦辟 見府志卷三十

三國吳

虞翻 舉茂才

景泰年

馬陞 山陰志作昇

進士 見府志卷三十一

至正十四年甲午牛繼志榜

趙傑 舊志作淑山陰志作淑

明成化十一年乙未謝遷榜

陳穀 御史山陰志作穀

嘉靖十七年戊戌茅瓚榜

陳鵠 碑記紹興官籍武進人

紹興縣志資料

第一輯 山陰之部 人民志 薦辟

五

萬歷十一年癸未朱國祚榜

孫如法 錦衣官籍光祿少卿餘姚人

萬歷四十一年癸丑周延儒榜

孫如洵 山東副使餘姚人

孫杰 碑錄錢塘人

萬歷四十四年丙辰錢士升榜

吳從魯 碑錄滋陽人舊志山陰人四川右參議

萬歷四十七年己未莊際昌榜

丁乾學 碑錄宛平人舊志山陰人侍讀學士

崇禎十三年庚辰魏藻德榜

王紹美 會稽人肇慶推官

崇禎十六年癸未楊廷鑑榜

李安世 碑錄有二一山陰人一餘姚人尚寶司卿

清康熙三年甲戌嚴我斯榜

姜燦會稽人山陰志作王燦

雍正二年甲辰陳熹華榜

周長發會稽人

舉人見府志卷三十二三

明洪武二十三年庚午科

汪金剛補

弘治五年壬子科

司馬公恠山陰志作公銓

萬歷四年丙子科

司馬暉山西中式補

崇禎六年癸酉科

沈奎晃山陰志作燿晃

崇禎九年丙子科

劉之龍舊志姓孫餘姚人

紹興縣志資料

第一輯 山陰之部 人民志 舉人 貢生

六

孫士登江西中式推官補

康熙五年丙午科

沈允範山陰志作允范

乾隆四十八年癸卯科

丁紹謹山陰志作紹錦

乾隆五十三年戊申科

史積中鴻義子補

史積瑾補

貢生

明正統年

童瑛補

天順年

沈曄山陰志作沈煜

成化年

王詵山陰志作王銑

嘉靖年

江賓山陰志作汪賓

胡鼎補

崇禎年

張焜芳山陰志作周焜芳

陳九微山陰志作九微

康熙年

壽嘉裔補

沈子毅補

雍正年

朱煌補

鄉賢

〔漢〕

賀齊〔虞預晉書〕賀氏本姓慶純有重名避安帝父清河王諱改賀氏父輔永寧長府志卷四十四

四十四

盛憲〔嘉泰志〕憲爲吳郡太守蓋据三國志後爲孫策所害則誤也同上

〔南北朝〕

紹興縣志資料

第一輯 山陰之部 人民志 貢生

七

鄉賢

韓子高〔陳書〕元嘉二年征留異子高單馬入陣除貞毅將軍東陽太守五年征晉安子高

會於建安人馬最爲強盛以功進爵爲伯徵爲右衛將軍光大元年前上虞令陸防告其謀

反子高父延慶官山陰令

〔宋〕

杜衍〔嘉泰志〕衍拜中丞詔擇吏人能否有揚語於外曰衍奏請盡黜諸吏吏僅千餘人詣

衍第喧譁明日入對願窮治即推首惡抵於罪范仲淹嘗出衍門下爲參知政事數爭事上

前衍無愠色而仲淹益敬服之邊將議欲大舉以擊夏人韓琦亦以爲可衍爭以爲不可後

兵果不得出爲相凡百日而罷去府志卷四十五

錢勰〔舊志〕勰以廕補官神宗嘗召對將進用之王安石使弟安禮來見許爲御史勰謝曰

家貧母老不能萬里行安石知不附己命以他職知開封府老吏畏其敏欲困以事導人訴

譟至七百勰隨即剖決乃驚詫去宗室貴戚爲之斂手召拜戶部侍郎進尙書加龍圖直學

士因忤章惇章極意詆排之 祀鄉賢府志卷四十五

陸游〔舊志〕張元忬云按渭南集有示兒詩云老去元知萬事空但悲不見九州同王師北

定中原日家祭無忘告乃翁其恢復之志垂老不忘如此亦可悲矣府志卷四十六

莫叔光 萬歷志叔光子子偉舉進士同上

唐珏〔宋遺民傳〕予讀陶九成輟耕錄所載又有林景熙事大同而小異後至會稽詢其宗人始知珏之收光寄理度而林之收高孝兩朝耳〔元張丁識冬青引跋云〕張孟兼撰唐珏傳大約與羅傳同末云有謝翱者文丞相客也與珏友善嘗感珏事作冬青引鄭元祐書林義士事蹟云林德陽字景曦號霽山當發陵時林故爲杭丐者背竹籬持竹夾鑄銀作兩許小牌百十繫腰間以賂番僧曰餘不敢望收其骨得高家孝家足矣番僧左右之果得高孝兩朝骨爲兩函貯之歸葬東嘉植冬青爲識又明初孔希普云林先生爲王修竹門客先生與珏所爲王蓋知之今以癸辛雜識所記羅陵使事參之則發陵原有兩次寄宗度宗理宗楊后爲一次徽欽高孝爲一次中間相隔數月三人之爲此舉也高孝二陵則發遲而預爲之地故藏中但有金玉並無骨髮餘陵則出不意且遺體多全是以備遭慘酷其所撥拾皆暴露之餘其聚而築塔也又後七日諸人所拾固已幸免癸辛雜識所記但詫高孝之骨髮胔化並不言有唐林義士事蓋三公方百計隱諱惟恐人知也至楊連真珈敗後方稍傳其事是以互異耳〔徐渭辨義錄云〕收葬諸陵者或云唐或云林後先牴牾我師季彭山先生覽謝翱唏髮集至冬青樹引唐玉潛詩慨然曰知君種年星在尾茲果唐君舉事之實證歟

紹興縣志資料

第一輯

山陰之部

人民志

鄉賢

八

併採諸紀編爲一書每於篇中疑不經者專裁數語而後終始灑然矣種出唐手自掩葬可知星在尾次歲戊寅不爽此其朋友相贈高其義而贊言之又何疑哉至草廔記高宗已骨蛻孝宗特頂骨一小片正合詩中雙匣之語乃訂二陵先收而後掘居然信矣以渭所觀唐君奇節每爲扼腕至若景熙者其所交皆謝翱鄭樸翁王修竹所以不爲者必有事機不暇不能強爲之說是則天池亦以爲是唐非林其言高孝先收後掘是已然亦僅得其半耳就諸家所記斷其近似則撥拾拋棄者唐也度其必再發高孝而預藏之者林也唐所瘞在蘭亭山中林所瘞在東嘉要之諸公必共商而後行其分瘞者亦深慮後患焉耳今取宋遺民傳附於右祀鄉賢

府志卷六十 義行

〔明〕

錢宰〔萬歷志〕宰弱冠有文名一時俊彥如唐之淳韓宜可皆出其門明太祖首以明經徵令撰功臣誥命同修禮樂書尋以病歸六年授助教上疏乞休二十七年再召校書每進見必賜坐侍食宰嘗病近代新聲繁猥刻意古調擬漢魏而下諸作有臨安集

府志卷五十三

儒林

趙俶〔萬歷志〕俶宋宗室也八歲能詩文指物輒賦稍長博涉經史爲文逼秦漢賦尤擅美

部使者河中何約按部至越俶時爲諸生延見之從容問諸史俶能詳其上下三千年君臣行事下至外國山川形勝如其身所履者約嘆曰窮年讀史不如聽趙生談也是時典成均者皆極殊選而俶與蘇伯衡爲冠弁云同上

唐肅 〔萬歷志〕肅博學善詞翰與高季迪楊孟載並稱於時之淳嘗集古今治亂爲書將獻之不果而卒明書畫史肅書畫皆能嘗自作梅石圖題之蘇平仲集肅文簡奧詩步驟盛唐尤工篆楷洪武時同知制誥兼國史編修同上

陳性善 〔萬歷志〕白溝河戰敗李景隆納款性善知事不可爲躍馬入河死其家後赦還府志卷五十五 忠節

陳壯 〔府志〕祖坐事謫戍交趾後調京衛遂家焉〔萬歷志〕壯官留都與莊昶劉大夏倪岳羅倫輩定交日以行義相淬厲抗疏乞歸李東陽重其去有莫與越人謀出處直夫先謝外臺歸之句退而爲鄉之典型者二十年杜門讀書絕請託事有不平者爲直於有司興至攜賓朋陟泛觴詠陶如也府志卷四十七

司馬聖 〔府志〕致仕歸杜門謝事闢園亭以自娛嘗榜其門曰獨呼明月長陪醉不負青天早放閒府志卷四十八

紹興縣志資料

第一輯 山陰之部

人民志 鄉賢

九

王鑑之 〔萬歷志〕張元忬云按武宗實錄謂鑑之厚於瑾故致仕歸猶得渥典又以其繼子一和犯罪爲鑑之病此皆不然若厚於瑾必不歸其子不肖雖堯舜不免又何病鑑之耶蓋秉筆者似有所忤要非公論云〔兩浙名賢錄〕鑑之見有屈節權門者則歎息曰士患不得所耳若此身一失何可復也府志卷四十七

郁采 〔萬歷志〕莊士儁詩云身後春秋有是非路人爭以口爲碑重於岱岳捐軀日怒若雷霆罵賊時那忍范滂猶有母尙憐伯道竟無兒皇天我墮雖陽淚半月荒城未裹屍〔高陵呂柟撰墓誌〕又爲裕州哀七章其一別駕守裕城堅牢鐵相似太守開門逃讎令別駕死其二愛母心無窮愛主心無疆妾身奉老母我身許明王其三裕城卽汝家裕民卽汝子如可贖君身人人爲君死其四城存我當存城亡我當亡敢怨阿大守殺我在城隍其五生知爲前駕死知贈光祿豈爲貪官爵惟恐汚簡牘其六渠略斃黃昏并莽枯秋天君生三十六勝人一百年其七結交結君子生死皆可訓要知郁亮之但看莊士儁府志卷五十五

蕭鳴鳳 〔萬歷志〕先是權貴人多冒士卒首功前御史盡爲紀驗鳴鳳悉奏革之權貴雖切齒然無隙可乘鳴鳳校士必以行檢爲高下不徒以文士亦凜凜不敢犯當軸者有所屬不得行噉言者劾其過嚴遂得調華亭徐階其所拔士也視學過越造其廬鳴鳳已寢疾第曰

子升勉之沒後二十年武進薛應旂表其墓〔兩浙名賢錄〕鳴鳳嘗疾馳至黃花鎮啓視倉糧其礫居半且侵剋累鉅萬守將盡論如法巨璫在司禮者令二倅折簡爲請鳴鳳併逮二倅治之邊境肅然府志卷四十八

汪應軫〔萬歷志〕應軫守泗州郵卒馳報武宗駕且至他邑徬徨勾攝爲具民至塞戶逃匿軫獨凝然弗動或詢其故軫曰吾與士民素相信卽駕果至費旦夕可貸而集今駕來未可期而倉卒措辦科派四出吏胥易爲奸僥費集而駕不果至則奈何他邑用執炬夫役以千計伺候彌月有凍餒而死者軫命縛炬檢柳間以一夫統十炬比駕夜歷境炬伍整飭反過他所去泗之日父老送者無不泣下家居孝友廉介與人交坦然無城府瓶無宿儲親黨有貧難必倡義周之凡鄉邦利病必盡言以告有司未嘗干以私同上

周述學〔徐階雲淵子傳〕述學在薊鎮有布伏之奇功柯梅有火攻之偉績天長決勝飛蘭擒叛冒砒毒遭橫兵罹颶風迫倭刃俱幸無恙蓋貫天人徹幽明而學有實際者乎〔黃宗羲雲淵子傳〕凡經濟之學必探源極委博而能精上下千餘年惟述學一人而已胡宗憲之征倭也諮以秘計述學亦不憚出入怒濤毒矢之間卒成海上功武林兵變述學諭之謀遂寢在南北兵間多所擘畫其功歸之主者人莫得而知也嘗訪其諸孫仲於木蓮巷架上

紹興縣志資料

第一輯 山陰之部

人民志 鄉賢

十一

惟神道大編數十冊皆方廣二尺餘仲言遺書散失此不能十之一二也又見其地理圖縱八尺橫二尺畫方以界遠近每方百里又得見中經測圖歷宗通議而後知邢雲路律歷考所載皆述學之說掩爲己有也余讀嘉靖諸人集鮮有及述學者惟湯顯祖有與雲淵長者書唐順之與之同學其與人論歷皆得之述學而并未嘗言其所得豈以身任絕學不欲人參之耶雖然學如述學固千載若旦暮奚藉一日之知哉案二公推尊述學可謂至矣舊志僅標姓名今增補府志卷五十三 儒林

徐甫宰〔萬歷志〕居武平六年諸寇皆傾心受約束有負險以叛者甫宰單騎詣其巢曉以禍福賊羅拜泣下卽解甲降在程鄉又用計平石窟仔徐加梯潮州當山海間土賊島人相煽亂甫宰勦撫迭施潮境獲寧〔兩浙名賢錄〕島寇屯鄒堂甫宰用降賊搗其巢斬萬餘級自是潮無海患府志卷四十八

吳兌〔俞志〕兌爲諸生時越地中倭鄉人率走匿兌獨部宗黨結棚禦之爲武選郎見恩蔭冒濫中官特甚乃持例草疏時司禮監遣人詣曹求易疏兌怒斥之欲以遮奏聞司禮者懼謝又以武爵訛濫置籍七百使不得干進大盜曾一本久嘯海上閩帥以捷聞謂一本已死朝論方行賞兌請覈實後一本果未得凡邊功覈而賞自此始嶺右有吉田之師豫料賊入

楚其徑有三先期申諭土司蚤防禦之宣府屯糧溢額至十餘萬軍多積逋乃疏請赦逋流人歸業者給以牛種由是耕夫雲集粟價賤於中土且諸火器之利以大小砲練爲陣法回部從上大閱特進陣圖府志卷四十九

朱賡〔兩浙名賢錄〕賡在禮部有旨選中官二千名賡疏其害得減半工部請殿門工賡言今軍興旱潦所在若洗而所入礦稅原爲大工不可失信天下遂傳旨緩工并下諭封礦所在稅課改有司徵以其半濟工三日間爲轉圜如此稅監梁永誣兩令却稅銀有旨逮之賡揭言永單詞未可信於是免逮暨獨理閣務首出曹學程於獄又止黔蜀用兵賡自柄國後三遇邊功加恩皆力辭之同上

張元忬〔俞志〕元忬成進士出張居正門歲時一謁旅進退而已至議役法及先賢從祀皆侃侃言之與孫鑣同修府志與徐渭同修會稽縣志府志卷五十二理學

張名世〔三江志〕名世因刑部十餘年經略熊廷弼特疏薦授總兵又有張名世馬邑人任薊州道同諡烈愍府志卷五十六忠節

王思任〔思復堂集〕素剛負氣徑三黜不少自貶幽思孤寄深得風人之致俊逸之氣往往發爲諧辭隱辨解紛微中莊士每畏苦之馬士英將走紹興爲檄以討略曰閣下文采風流

紹興縣志資料

第一輯 山陰之部 人民志 鄉賢

十一

才情義俠職素欽慕當國破衆疑之際爰立今上以定時局以爲古之郭汾陽今之于少保也然而一立之後閣下氣驕腹滿政本自由兵權獨握從不講戰守之事而只知貪黷之謀酒色逢君門牆固黨以致人心解體士氣不揚叛兵至則束手無策強敵來而先期以走致令乘輿播遷社稷邱墟閣下謀國至此卽喙長三尺亦何以自解也以職上計莫若明水一盂白刎以謝天下則忠憤節義之士尙亦相諒無他若但求全首領亦當立解樞權授之才能清正大臣以召英雄豪傑呼號惕厲猶當倖望中興如或逍遙湖上潦倒烟霞仍效賈似道之故轍千古笑齒已經冷絕再不然如伯翳渡江吾越乃報讐雪恥之國非藏垢納汙之區也職當先赴胥濤乞素車白馬以拒閣下上下干洪怒死不贖辜閣下以國法處之則當束身以候緹騎私法處之則當引領以待鉏耨〔越殉義錄〕思任母夢太白入懷小字金星父東海翁以遂己志故字曰遂東同上

劉宗周〔俞志〕宗周侍祖瘁疾四浹旬不交睫邑令趙士謬造寢見幃帳百結敝衾敗絮心佩服焉奉命封益藩上宗藩六議爲右通政又疏劾忠賢大逆不法斥謫籍爲編民追奪誥命爲府尹時謁文廟大會師儒示以聖賢爲學之要咨地方疾苦發奸吏乾沒捕豪橫不法及舞文犯禁者將解任以羨餘置學田二百畝以給諸生出都門所攜兩簾中貴人見而駭

曰眞清官也郡之天樂鄉麻溪壩水通江湖爲患捐資築茅山岡與三江岡爲表裏

府志卷

五十二 理學

張焜芳 〔李志〕初授南平令拜給事中奏劾奄人罪惡羣小嫉之鐫級歸與劉宗周講學於

證人會〔越殉義錄〕焜芳妻金赴井死妾瑞氏從之老嫗抱幼子名彝匿頽牆下五日夜不

死府志卷五十六 忠節

朱光熙 〔俞志〕令揭陽地產毒草愚民每自殺以相傾陷光熙出金錢購毒草盡入於官乃

市桑麻之種於江浙間教以機杼民乃樂業復禦海患立義塚賑災不俟申請全活者萬餘

府志卷四十九

陳潛夫 錢塘人祖籍諸暨〔崇禎丙子同年錄〕孟治云孟桓初二女並妻潛夫同日合卺非

妾也又云潛夫先推二妻入水爲具棺殮然後賦詩別親友躍水死今孟氏屋壁猶存潛夫

手書絕命詩詩曰萬里關河戎馬奔三朝宮闕夕陽昏清風血染蓑宏碧明月聲哀杜宇魂

白水無邊留姓氏黃泉耐可度寒暄一忠雙烈傳千古獨有乾坤正氣存當時並欲拉二子

同死以繼母不許免

府志卷五十六 忠節

劉景堯 〔越殉義錄〕景堯附傳有孔四郎者紹興人善歌幼隨父入京師父授四川主簿未

紹興縣志資料

第一輯 山陰之部

人民志

鄉賢

十二

任死四郎無所歸爲賊將官撫民所獲命歌以侑酒四郎乘其醉砍之誤中股提刀大罵曰

砍賊不死天也乃自刎頭已落而僵立賊推仆之

府志卷五十七 忠節

鄭遵謙 〔俞志〕好酒色曜妓金氏金以妬殺其婢時陳子龍爲紹興推官惡遵謙無賴與金

氏並論死遵謙與東陽許都爲死友獄事急都馳至越白子龍言天下有事幸毋殺英雄子

龍納之得不死順治二年五月大兵至浙潞王出降遵謙密結數十人于閏六月十一日起

兵檄寧紹道于顯集渡舟截江而守迎魯王于台州稱監國頃之熊汝霖孫嘉績以餘姚兵

至王之仁以定海兵至張國維以東陽兵至方國安以金華兵至錢肅樂沈宸荃馮元鵬以

鄞縣兵至乃議分地守汝霖嘉績守白洋之仁守西興國維守長河國安守朱橋范村肅樂

等守龍王堂于顯守三江遵謙守小鹽封義興伯未幾進爲侯〔越殉義錄〕遵謙兵號義興

軍寧旗過清風里殺山陰令及署守勢大振然不諳兵事數困於田仰方國安而勢浸衰任

光復云戊子正月十七日鄭彩兵與熊汝霖兵偶競訴彩令送汝霖汝霖筭而逐之夜分衆

兵破門執汝霖投之江遵謙不平彩招與議事亦沉之江金氏號慟死熊子琦甫六齡彩塔

也彩陽撫而陰賊之己亥秋彩忽見熊鄭擁兵入驚仆階下七孔流血死〔浙江通志〕金氏

每祭夫必縛草人寸斬以侑食彩聞之投金氏於海中屢顯靈異所紀互異〔採訪冊〕之尹

卽遵謙之父也甲申六月二日聞變自沉於渡東橋死同上

〔清〕

吳興祚〔俞志〕世居州山祖大圭教授遼東之清河遂隸旗下府志卷五十

自國初以來越中稱詩者山陰則布衣魏方炳大方周璇瑩朗少姚騰虬諸生則周遐祚又康姜梗鐵夫吳棠楨伯憩周炳曾子固俞樵煥文何嘉延奕美金璧晴村盛唐元白王霖清輝金又坡劉世貴他若金鎮又鑣官知府金虞廷颺言康熙乙丑進士官知縣董相周望官知縣周大樞元木官教諭其武人能詩者有邵斌生勝國末讀書山中三十年從平耿逆授遊擊不就性愛篇什雖戎馬之間吟咏弗輟有詩千餘篇晚年自定甚嚴有憩樓遺稿四卷杜肇勳字功王官都司有閑古齋詩補 府志卷五十四 文苑

術藝見府志卷七十 方技

〔晉〕

孔侃〔嘉泰志〕敬思善行書從弟愉字敬康善草書述書賦云思行則輕利峭峻驚虬逸駿康草則古質鬱行落翮摧枯

謝藻〔山陰志〕晉中書舍人〔述書賦注〕正書啓兩段合爲一紙五行其半先在官半在外紹興縣志資料 第一輯 山陰之部 人民志 術藝 十三
及得之勘合爲一

〔明〕

王麟字文明王千戶振鵬麟之母姨夫以畫名於朝麟嘗從之遊故遂工繪畫劉基覆瓿集補童朝儀字令侯天啓壬戌武進士歷官後軍都督工書畫善詩文采風流一時名公鉅卿競相推服補

張景岳〔林日蔚全書紀略〕全書者博採前人之精義考驗心得之元微首傳忠錄統論陰陽六氣先賢可否凡三卷次脈神章擇諸家珍要精髓以測病情凡二卷著傷寒爲典雜證爲謨婦人爲規小兒爲則痘疹爲詮外科爲鈐凡四十卷採藥味三百種人參附子熟地大黃爲藥中四維更推參地爲良相黃附爲良將凡二卷創藥方分八陣曰補曰和曰寒曰熱曰固曰因曰攻曰散名新方八陣凡四十卷集古方分八陣名古方八陣凡八卷別輯婦人小兒痘疹外科方總皆出入古今八陣以神其用凡四卷

列女見府志卷六十四

〔元〕

楊氏名宜許陸氏子娶一夕陸卒達官聘之宜誓不嫁母逼之閉重戶自盡從父兄維禎表墓

曰女貞楊維禎古樂府

陸裕妻楊氏吳人母方擇配山陰陸裕適游吳遂嫁之生男三裕病痿氏事之無少懈其母語之曰何用是彼不起矣不若爲他適計氏不答後又數迫之一日氏方食其母怒其不從痛詈之食下咽氣逆上竟憤懣死五日其夫亦死徐一夔楊貞姬傳

楊氏名雪字玉翼維禎從父女弟也年十三善琴十五工詞翰二十許陳氏子未娶陳歿遂守志不嫁達官聘之不允自誓之死作處女塚兵亂處女閉戶餓而死年四十有二楊維禎古樂府序

〔明〕

余亨妻朱氏亨死朱年二十三無子亨既葬辭墓慟哭投河死續文獻通考

包慎妻徐氏慎死無子同邑右族豔其色以利誘其姑及其夫之弟欲強娶之不從其姑故投

以艱事冀變其志徐知不免自縊死兩浙名賢錄

蔣倫妻戴氏名毓齡早寡有節行既老鄉人欲上其事輒止之曰常事耳何煩官府兩浙名賢錄

補